

- и от сестры девицы королевского роду. Золотую казну себе возьмите, а серебряную казну ему на пропитание, а не крещен, окрестите христианскою верою». Рыцерь караблук пустил в море. Рыцерь пришел ко дворцу королевскому. У дворца встретил рыцера посол королевский, приехал от земли святыя. Рыцерь || спросил посла: «Откуды приехал и што скажешь?» Рек посол: «Приехал от земли святыя, из Еросалима града». Рек посол рыцерию: «Государь король умре, а тело его привез в град сей». Услышел рыцерь, велми стал плакати. Пошел рыцерь к королевичне. Королевна увидела рыцера, со женою плачут. Речет королевична: «Други мое, што так плачете?» Речет рыцерь: «Яснейшая королевична, как нам не плакати? Приехал посол из Еросалима града || от земли святыя. Посол сказал про короля о государе нашем, а твоим браце, что умре». Девица королевична велела посла пред себе привести. Посол пришел, сказал королевичне: «Брат твой, а государь наш умре, а тело ево привез из земли святыя в сей град. Государь мой король приказал себе положить в земле отца своего». Услышела девица королевна от посла, от великие печали и пала на землю, велми плакала великим гласом. «Ныне потеряла надежду мою, половину души моея, не стала короля брата моего единороднаго». Рыцерь речет: «Матушка наша яснейшая королевична, от печали великие имей меру, государя нашего короля погребем, а ты, ясняя королевична, будеш королем». Князь бургонски прислал посла ко девице королевичне: восхотел за себя взяти. Девица королевна послу отказала: «До смерти замуж не иду». Услышел посол речи от девицы королевны, || воротился ко князю своему бургонскому, сказал посол князю. Князь велми разгневался на девицу королевну. Князь бургонски собрал войско великое, пришел в землю ко девице королевне. Князь бургонский многие грады попленил и вырубил и огнем пожег. Девица королевна убояся, бежала в дальнай град и великое время там жила. А караблук на море волнами носила. Божем повелением караблук принесло к монастырю. || Игумен того монастыря гулял по берегу морскому, увидел в море плавает малой караблук. Повелел рыболовам привести к берегу. Вскрыли караблук: младенец лежит. Игумен повелел взяти. Увидели в караблуке грамоту, под головами золотая казна, под ногами серебряная казна. Игумен прочел грамоту, увидел — королевский сын. Игумен взял младенца, окрестил, дал ему имя Григори. Игумен младенца || отдал рыболову воскормити. Григори велми красно вырос. Игумен Григория семи лет взял к себе, стал грамоте учити. Григори изучилсь божественному писанию и чтению. Прилучилсь Григорию с сыном рыболовым играти на улице. Григори ударил силна рыболова сына. Стал плакати. Мать ево стала Григория бранити: «Что бьещи сына нашего? Он лучше тебе». Речет Григори: «Мати моя возлюбленная, и я твой сын». а. 93 «И ты сын наш, а откуды || ты, не знаем, нашли тебе на море в караблуке малым. Игумен дал воспитати». Услышел Григори такие речи, стал плакати, пришел ко игумену. «Ясны отче, я чаял рыболова, аз не сын ево. Отпусти меня вон из монастыря отца и матери поискати». Речет игумен: «Сын мой милы, не думай того, по моей смерти будеш намесником». Речет Григори: «Не хошу жыти». Игумен пошел в сундук, взял грамоту. а. 93 об. Игумен прочел, отдал || Григорию. Григори и сам прочел грамоту и вразумилсь, что королевского роду, от брата и от сестры родился, от короля и от девицы королевны, а сам рек Григори: «Боже вседержитель, каковых я родителей, и пойду в землю святуя и ко всем святым местам, стану труждатися за грех моих родителей, в трудах и живот свой скончаю». Игумен Григорий благословение воздал и отпустил на карабль. Григори а. 94 по морю на карабле побежал || по морю ко святым местам. Божьею волею на море карабль в море носило три месеца. Принесло карабль ко граду